

**Gaji Guru: Pelik TPM cabar ketua pembangkang
Malaysiakini.com
Disember 27, 2010**

Ketua Penerangan PAS Idris Ahmad berkata, tindakan seorang timbalan perdana menteri mencabar Ketua Pembangkang Datuk Seri Anwar Ibrahim menaikkan gaji guru di negeri Pakatan Rakyat sesuatu yang pelik.

Sehubungan itu, Idris berharap Tan Sri Muhyiddin Yassin tidak melatah tidak tentu fasal berkenaan janji RM500 sebulan kepada golongan itu sekiranya Pakatan Rakyat menawan kerajaan pusat.

"Jangan terlalu gelabah sehingga terlalu emosi dalam membuat kenyataan.

"Selaku timbalan perdana menteri beliau tentu lebih arif dalam hal kewangan negara dan bidang kuasa kuasa pendapatan negeri yang terlalu kecil, jangan beliau bercakap macam ketua cawangan Umno sahaja," katanya.

Dalam kenyataan semalam, Idris menegaskan iltizam yang disuarakan dalam konvensyen mereka sebelum ini bukannya untuk dilaksanakan sekarang.

"PAS mengharapkan Tan Seri Muhyiddin tolong perhatikan ayat-ayat yang terkandung dalam buku jingga yang telah diedar di Konvensyen Pakatan Rakyat pada 19 Disember," katanya.